

KENESIS

NETIYI UGI RA POTNI

Ra potni Nōbū yīmetipe pōkop mūnemap. Im ne- 1 1
map yeti sumpelūlya im nūrū wokon, im nīlebōkevat 2
yeti ran tan tok. Im Naviat eni Nōbū yīmiri ran tan tok.
Im Nōbū yimenūwi memokū, Etepū nilara, im nilara 3
yetepū.

Im Nōbū yokesi pe nilara memokū aremī; im Nōbū 4
yēti pe nugkon nilara im nugkon nīlebōkevat. Im Nōbū 5
yīmatov nin nilara memokū Dan; miyi yīmatov nin
pe nīlebōkevat memokū, Pūmrok. Im pōarap yeti, im
prūbokom yeti, dan ra nōbūm.

Im Nōbū yōmenūwi memokū, Etepū unēi īlebōteven 6
nū su woretēvafwi nugkon im nugkon nū sū. Im Nōbū 7
yimumpi ūnēi mō metēvafwora nū sū ra mumpon ūnēi
im nugkon nū sū ran tan ūnēi, im yōmeti sugkū. Im 8
Nōbū yīmatov nin ūnēi memokū Pōkop. Im pōarap
yeti, im prūbokom yeti, dan dūrūgi.

Im Nōbū yōmenūwi memokū, Etepū sīmsīmok-onda 9
nū sū ra mumpon pōkop ra sī nūrū, mō metūrātumpeni
nūrū-nlx, im yōmeti sugkū. Im Nōbū yīmatov nin pe 10
nūrū-nlx memokū Nemap; miyi yīmatov nin pe nū sū
mori dūtīn sīmsīmok-onda memokū, Tok-sū. Im Nōbū
yokesi pe memokū aremī.

Im Nōbū yōmenūwi memokū, Etepū topavū ūnemap, 11
im nē sū umproketeli gi novsen, im novūan nē sū īteni
umprokovūo ra nemap gi novsen ugi potni en irora.
Im yōmeti sugkū. Im topavū yīmetepū ūnemap, im 12
nē sū yumproketeli gi novsen ugi potni pe en irora, im
nē sū īteni dumprovūo gi novsen ugi potni pe en
irora. Im Nōbū yokesi pe memokū aremī. Im pōarap 13
yeti, im prūbokom yeti, dan deselugi.

Im Nōbū yōmenūwi memokū, Etepū ov nilara 14
ūnēi ūnpōkop woretēvafwi dan im pūmrok; mirora
wanti nīmsīn ōvun safi, im nīnsīn ov nīmpugon, im
nīmsīn dan sū, im nīmsīn nevi sū. Mirora wantepū ov 15

- nilara ūnēi ūnpōkop worovugi nilara ra nemap; im
 16 yōmeti sugkū. Im Nōbū yīmumpi dūrū nilara tamas;
 sī nilara mōmū tamas nīmsīn dan, im sī pe itemelepon
 17 nīmsīn pūmrok. Miyi yīmumpi mosi sū sugkū. Im
 Nōbū yīmetipe irora ra ūnēi ūnpōkop worovugi nilara
 18 ra nemap, im nīmsīn dan im nīmsīn pūmrok, im wore-
 tevafwi nilara im nīlebōkevat. Im Nōbū yokesi pe me-
 19 mokū aremī. Im pōarap yeti, im prūbokom yeti, dan
 devatugi.
 20 Im Nōbū yōmenūwi memokū, Etepū nomū mīntī-
 ndamsah ra nū sū mō melegetevtevi tamas, im menōk
 21 worokīp ūnēi ūnpōkop. Im Nōbū yōmumpi ōvun
 umpelefī, mov nūrah sū nomūrep mori nū sū dūmū-
 tandamsah ugi potni pe en irora. Im Nōbū yokesi pe
 22 memokū aremī. Im Nōbū yivīeves irora mō menūwi
 memokū, Utepū ūtandamsah mūlegetevtevi ūlepun tok,
 mō mūvuara gi nū sū; mūtepū mūlegetevtevi menōk ra
 23 nemap. Im pōarap yeti, im prūbokom yeti, dan sūkri-
 mugī.
 24 Im Nōbū yōmenūwi memokū, Etepū nūrah sū no-
 mūrep ra nemap ugi potni pe en irora, nūrah sū en
 tamas im nūrah sū mōmū ugi potni pe en irora ra
 25 nemap; im yōmeti sugkū. Im Nōbū yīmumpi ōvun
 nūrah sū ra nemap ugi potni pe en irora, im nūrah sū
 en tamas ugi potni pe en irora, im tiame sū mintave-
 karara ugi potni pe en irora. Im Nōbū yokesi pe memokū
 aremī.
 26 Im Nōbū yōmenuwi memokū, Kos menumpi neteme
 sugkū kos, ra safi enugkos, mirora wonari iranda nomū
 ran tok, im menok, im nūrah sū en tamas, im ra nemap
 omwisū, im ran tiame sū mori umīntavekerara ra nemap.
 27 Im Nōbū yīmumpi neteme ra safi enī, ra safi enī
 Nōbū iyi yīmumpi iyi, itnateman mītnasīven iyi yīm-
 umpi iroran dūrū.
 28 Im Nōbū yivīeves irora, im Nōbū yenūwi pun ōra
 memokū, Utepū ūtandamsah mō mūvūara gi ra nemap,
 kūonari iranda nomū ran tok, im menok, mōvun tiame
 29 sū umprokomūrep mori umīntavekarara ra nemap. Im
 Nōbū yōmenūwi memokū, Pah, ya kosī novug kūm,
 nē sū omwi sū mori umīnteli ugi novsen ra nemap, im
 nē sū mori umampūo gi novsen, mirora sū mori wanti
 30 enugkīmi worenī. Im ya kosī novun-ōra ōvun nūrah

sū ra nemap, im menōk sū, im tiame sū mori umnomūrep
mori sū umintavekarara ran tan nemap, topavū en
telimte omwi sū nimsin nevag; im yōmeti sugkū.

Im Nōbū yokesi en tiame sū mori iyi yīpmumpi, im 31
pah! yimokū pe aremī indōwi. Im pōarap yeti, im
prūbokom yeti dan mīsekīugi.

Im pōkop mūnemap mōvun tentūrū sū ra mumpon 1 2
irora dūti nokompeli sū. Im Nōbū yīmtampeli ōvun 2
numpūrah sū eni ran dan sū mīsekī, miyi yemīndog ran
dan sūkrīm-narūgi marugi ov numpūrah sū eni, omwisū
mori iyi yīpmumpi.

Im Nōbū yivīeves pe dan sūkrīm-narūgi mō mumpi 3
memokū pe tumpora, popōwo ra iman dan mori iyi
yemīndog marugi ov numpūrah sū eni omwi sū mori
Nōbū yīpmetipe mō mumpi.

Imo sū yeti nate potnin pōkop mūnemap, pol sugkū 4
Iehōva Nōbū yīpmetipe irora ran dan mori iyi yī-
pmumpi pōkop mūnemap, mōvun nōvo dūtūtepū ra 5
nemap, it iyi Iehōva Nōbū yetūmumpi gi nebīb woromol
ra nemap, im yetū sī neteme worokeli nemap. Kō 6
ūmōap yisah yimnē ra nemap mō mavūwi tan nemap
omwisū.

Im Iehōva Nōbū yīmumpi neteme gi navivon nemap 7
mo mesumsah ra worokolag eni gi nesumsah nomūrep,
im neteme yetepū naviat mumpromūrep.

Im Iehōva Nōbū yīmumpi denūok ūnūrū ra Iden, 8
im yūi iyi yīmetipe neteme mori iyi yīpmumpi. Im 9
Iehōva Nōbū yīmumpi tiame nē sū nilaswi marimī
woreni woreteli ra nemap; im nē ra nomūrep sugkū
īlebōteven denūok, im sī nē noīntan aremī im sat.

Im nīntelep yīmorari yīmnē ra Iden woressōsowi de- 10
nūok; yīmnē ra nūrū yūi yīmsug devat. Nin pe ra 11
nōbūm Pison; imō mori umnagkx ugi nūrū ra Havila;
iyūi kōld. Im kōd rap nūrū yūi oti aremī; im yūi 12
sugkū bedōlal im nevat sōham. Im nin pe nīntelep 13
dūrūgi Kihon, imō mori umnagkxugi nūrū ra Etiopia.
Im nin pe deselugi Hīdikel; imō mori umnot rari 14
ūnūrū ra Asīria. Im nīntelep devaug-i Yūfrētes.

Im Iehōva Nōbū yīmpasewugi neteme mō metipe 15
iyi ran denūok Iden worokeli pe mō mafīnte pe.

Im Iehōva Nōbū yīmpasewugi neteme mō menūwi 16
pugi memokū, Kik oneni novūan nē sū ran denūok;

- 17 kō sī nē noĩntanwi, nē worokili aremī ĩm sat, Etũon ĩmpe; popōwo ran dan mori kĭk onenĩmpe, itnesog kĭk mamas.
- 18 Im Iehōva yĩmenũwi memokũ, Otũ aremī neteme worete e kō sī, ya konumpi sī naveri nĩsekon sugkũ iyi.
- 19 Im Iehōva Nōbũ yĩmumpi gi nemap ov nũrah sũ en tiame nomũrep ra netē nũrũ sũ, menōk sũ ũnēĩ, mō ĩmtōr-ōra pugi neteme worokili sũ sugkũ iyi onatov ninda; mima mori neteme yĩmatov ninda nũrah sũ
- 20 nomũrep yeti ninda sũ. Miyi neteme yĩmatov ninda ōvun nũrah sũ en tamas ĩm menōk sũ ũnēĩ, im nũrah sũ nomũrep ra netē nũrũ sũ; kō nĩsekon neteme yetũ sī naveri sugkũ iyi.
- 21 Im Iehōva Nōbũ yĩmumpi Adam woralēepatemas, miyi yĩmalēepō, miyi yĩmpī sī nĩmperi eni mō ĩmsumpat
- 22 fan memēekceki. Im nĩmperi mori Iehōva yĩmpī marugi neteme iyi yĩmumpi nasiven mo ĩmtōr-iyi pugi
- 23 neteme mori. Miyi neteme yĩmenũwi memokũ, ĩmō marima oti nōiran ra nōirag sũ, ĩm fan ra fan enyx, ĩm popōwo pe sugkũ anti natov nin eni magkũ Nasiven,
- 24 ĩt iyi yeti nevī marugi neteme. Popōwo pe sugkũ sī neteme awi ĩtemen eni ĩm dĭneme eni mō mantindōwi ũndũ retepon eni; miroran dũrũ wanti fan sī teven.
- 25 Mirora dũavan e wokon, neteme mori ĩm retepon eni, mō mũtũ arumprum.

- 3** 1 Im neskil yeti nĩmpiri mōmu ra nũrah sũ ra netē nũrũ sũ mori Iehōva Nōbũ yĩpmumpi, miyi yĩmenũwi pugi nasiven memokũ, Itnesog kũ ? Iehōva yĩmenũwi memokũ, Kũtũ oneni nē sũ omwisũ ran denũok ku ?
- 2 Im nasiven yĩmtamsi pugi neskil memokũ, Ka kũ oneni
- 3 novũan nē sũ ran denũok, kō ra novũan nē mori ĩle-bōteven denũok Iehōva yĩmenũwi memoku, Kũtũ onĩmpe mori, kũtũ osugkori, kũ ĩtnesog kĭmi kũamas.
- 4 Im neskil mori yōmenũwi pugi nasiven memokũ,
- 5 Tawi, kĭmi kũtũ amas; popōwo Nōbũ umagkili magkũ ran dan mori kĭmi kũ onen ĩmpe kũanelampalam neme-temi, ĩm kĭmi kũantepũ sugkũ Nōbũ worokili aremī ĩm sat.
- 6 Im nasiven mori yĩmokesi nē mori aremī nĩmsĩn nevag, ĩm nĩlaswi, ĩm nē worelasĩvian wōrevī nōĩntanwi ugi, miyi yĩmesevi novũan enĩmpe mō meni, mō movugi
- 7 asũon eni sugkũ ũndũ iyi, miyi yeni. Im nĩmĩmda dũti

nelampalam, mirora dūkili ma iroran dūavan e wokon, mirora dūteri nugkelin natug mō mumpi ov numpelat nisekonda.

Mirora* dūrīgi navian eni Iehōva umprokavan ran 8
denūok ra nimpugon nariovcyū, miyi neteme im rete-
pon eni dūamon marugi nīpmi eni Iehōva Nōbū ile-
bōteven nē sū ran denūok.

Im Iehōva Nōbū yovrugi neteme mori memokū, Ia 9
kik ? Miyi yīmtamsi pugi memokū Ya orīgi naviam ran 10
denūok im ya kumtetug Kik popōwo ya avan e wokon;
im ya amon.

Miyi yōmenūwi pugi memokū, Mē onūwi pug kik 11
memokū, kik avan e wokon ? Kik oni novūan nē mori
yx mīmpasewug kik mokū, Kotū onīmpe, kū ? Miyi 12
neteme yōmenūwi memokū, Nasiven mori kimovo-yx
woretindōwi undū yx, yovo-yx enīmpe im ya oni.

Im Iehōva Nōbū yōmenūwi pugi nasiven memokū, 13
Tiē imō kik umpi ? Im nasiven mori yīmenūwi pugi
memokū, Neskil mori yīmpirīgi yx im ya oni.

Im Iehōva Nōbū yenūwi pugi Neskil memokū, Po- 14
pōwo kik umpi imō kik oti navoret tamas mōmū ra
ovnūrah sū ra netē nūrū sū, im ran tan netnīn enugkik
kontavekarara, im kik oneni navivon dan sū omwisū
enugkik. Im ya kantipe nakan ilebōteven kik im 15
nasiven, mīlebōteven ov novsen enugkik im Novsen
eni nasiven. Iyi mori ontandokon numpūm, im kik
ontandokon masūri eni.

Miyi yōmenūwi pugi nasiven mori memokū, Ya 16
kantipe nesorūn tamas iram, im nasx ugi netum; kik
amol ovun nītumo ugi sokomulepwi, im kik onelasivian
asūm miyi onari-sah iram.

Miyi yōmenūwi pugi neteme mori memokū Popōwo 17
kīmovendegugi navian eni retepmi, mō meni novūan
nē mori yx mīmpaseug-kik ugi memokū, Kik otū one-
nīmpe, oti navoret nemap popōwo kik umpi imō, im
konen-īmpe marugi pe ra nesorū dan sū omwisu enu-
gkik. Nemap onteli gīmpe ōvun nīmratx im topavū 18
sat im kik oneni ov nugkelin nē sū ran denūok. Ra 19
nenora nīmtum kik oneni yōūp mafeli nīmpugon kik
ōmīntorileki ra nemap; it kīmeti-nevī marugi nemap;
it kik navivon nemap im kik ōmīntorileki ra navivon
nemap.

- 20 Im Adam yīmatov nin retepon eni memokū Iv, īt iyi dīneme en irora mori sū umprokomūrep.
- 21 Im Iehōva Nōbū yīmumpi nīsekon Adam īm retepon eni ōvun nemas ugi nohelīstan mō mevarugi.
- 22 Im Iehōva Nōbū yōmenūwi memokū, Pah, neteme mori otepū sugku sī kos ugi noīntan aremī īm sat, im marima kū en tawi iyi īevan gi nokoben eni mō menesevi novūan nē nomūrep sugkū, mō meneni, mō meno-
- 23 mūrep ūvum nevi sū īndōwi; Iehōva Nōbū yīmtamūli iyi ratilat denūok Iden worokeli nemap mori yeti nevī
- 24 iyi marugi; Iyi yīmtelesi neteme mori ratilat mō metipe ūnūrū ran denūok kerūvim īm n̄xetūga tantop yumprokesilūamen, mori yesepen nevoli pe woressareki selat worefīnte pe selat ra nē nomūrep.

K E N E S I S

K U

N E T I Y I R A P O T N I

L O N D O N

B R I T I S H A N D F O R E I G N B I B L E S O C I E T Y